



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Diatribai De Primis Veteris Frisiae Apostolis, Sive
Dissertationes, quibus eoru[m] anni, actus, res,
personae, loca, tempora in eorundem actis occurrentia,
discutiuntur, illustrantur, erroresque ab ...**

Bosschaerts, Willibrord

Mechliniae, 1650

93. De Sergio Pontifice S. Willibrordi Ordinatore.

urn:nbn:de:hbz:466:1-10958

Haræus nisi quod addat Pipinum ad vomitum rediisse iterato meretrice recepta, colligens ex eo quod moriens Car. Martellum scripserit heredem. Gramaius ex veteri, in Brabantia monumento Ecclesiæ Huguardienfis, quæ Collegij sui fundatricem agnoscit Alpaidem, narratis Dodonis & complicum pœnis, subdit, Alpais perpetuo contabescens mœrore factum expiauit, sufficienter eius dimissionē post S. Lamberti necem insinuans.

Fundamentum contrariæ opinionis quod ex cap. 25. Marcellini desumptum est, refutabimus dum ad obitum Pipini venerimus, ubi plura ad nostræ confirmationem adducentur & simul manifestabitur Pipinum non iniuriosè Martellum heredem ordinasse, consequenter nec ex eo colligi dimissam Alpaidem resumpsisse,

DISSERTATIO LXXXIII.

De Sergio Pontifice S. Willibrordi Ordinatore.



Nno 701. vitæ stationem cedit Beatiſſimus pontifex Sergius cui plurimum obligatur Frisia, utpote quæ eius causa bis S. Willibrord. adiit. Semel 1º. introitu ex Hybernia, ab eodem prædicandi potestate plurimisque ad sacram susceptam partem elaborandam utilissimis & necessarijs instructus rediens. Beda lib. 5. cap. 12. Iterum à Pipino delegatus anno 696. pro Episcopalibus Insulis obtinendis, pro nouo Ultraiectensi Episcopatu instituen- do, roborando ac ampliori facultate spirituali Frisios gubernandi

Bernandi, in quibus omnibus voto suo potitus plenissime, in messem Frisicam remissus est. D. Gregorius Magnus meretur audire Apostolus Angliæ eò quod ad eius conuersionem miserit Augustinum cum socijs, cur non pari iure V. Sergius merebitur audire Apostolus Frisæ qui ad eius conuersionem miserit & ordinauerit S. Willibrord. & consequenter confodales? Vide supra diff. 26. & sequentibus.

Hic B. Sergius pontifex creatus anno 686. saluberrimus Ecclesiæ Catholicæ fuit. Portionem salutiferi Ligni (referente Anastasio Bibliothecario) Dominicæ crucis inuenit, quæ etiã ex illo die pro salute humani generis ab omni populo Christiano in Basilica S. Crucis deuotè osculatur & adoratur. Hic fecit Thymiamaterium aureum maius cum columnis & cooperculo quod suspendit ante imagines tres aureas Beati Petri Apostoli, ut narrat idem Anastasius, in quo incensum & odor suauitatis festis diebus, dum Missarum solemnia celebrantur, omnipotenti Deo opulentiùs mittitur. Corpus Beati Leonis probatissimi Patris atque Pontificis, quod in abdito inferioris Secretarij prædictæ Basilicæ positum fuerat, facta diligentius tumba in denominata Basilica publico loco (ut ei fuerat reuelatum) reposuit ac locum ipsum ornauit. Hic statuit, ut tempore confractionis Dominici Corporis, Agnus Dei qui tollis peccata mundi miserere nobis, à clero & populo decantaretur. Constituit etiam, ut diebus Annuntiationis Domini, Natiuitatis, & Dormitionis Sanctæ Dei genitricis semperque virginis Mariæ ac Sancti Simeonis, quam Hypopantem Græci appellant, Litania exeat à Sancto Hadriano, & ad Sanctam Mariam occurrat populus. Hic ordinauit Damianum Archiepiscopum Sanctæ Ecclesiæ Rauennatis, atque Clementem

mentem Frisonum. Hic ordinavit Beretualdum Dorouernensem Britanniae Archiepiscopum S. Theodori successorem. Hic ordinavit per diuersas Prouincias Episcopos nonaginta septem. Fecit autem ordinationes duas per mensem Martium, ordinavitque presbyteros decem & octo, Diaconos quatuor; qui etiam sepultus est ad beatum Petrum quinto idus Septembris, Indictione decimaquarta, Tiberio Augusto. Notetur hinc qualem fidem & à quali S. Willibrord. Romae inuenerit, Romam eduxerit, in Frisiam induxerit. Ex mittente noscitur legatus. Perpendant quam placitum sit nostris Primeuis Patribus relictam Romam, abnegato Pontifice Romano Christi in terris Vicario, normam fidei querere ab Apostatis, votifragis, nouitijs, & quidem quam nec ipsi, nec ab eis progeniti nouerunt. Illi Romam fidem, leges, praescripta, monita, accipiebant. Occlamant; Sergium Pontificem primum Antichristum vel inter primos Antichristos sedisse; sed non aduertunt se hoc pacto ductorem, Doctorem, salutis suae nuntium & Pædagogum, omnis impietatis, hypocrisis, ignorantiae, accusare, qui Antichristum adorauerit, ab Antichristo potestatem verbi Dei deprædicandi tulerit, Antichristi characteribus insignitus fuerit, Antichristo resistere timuerit. Quae magis horrenda in Christi missum blasphemiam? Sed relictam hanc foetutam ad coetera pergamus.

DISSERT.